



O'ZBEKISTON ADABIYOTI VA SAN'ATI

1956-YIL 4-YANVARDAN SHIQA BOSHLAGAN

АДАБИЙ-БАДИЙ, МАЪНАВИЙ-МАЪРИФИЙ, ИЖТИМОЙ ГАЗЕТА

№ 21 (4523) 2019 ЙИЛ 24 МАЙ

ТАРАҚҚИЁТНИНГ БЕШ ИЛДИЗИ



Халқимиз маънавияти асрлар давомида миллий қадриятлар негизда шаклланиб, ривожланиб келган. Ахлоқ-одоб, хулқ-атвор, имон-этиқод, илму маърифатга чанқоқликдек инсоний фазилатлар ажодлардан авлодларга мадрасаю мактабларда, оила даврасида, анъана ва удумлар орқали юқтирилган.

Панд-насихатлар, халқ оғзаки ижодининг сара намуналари — достонлар, маталлар ва эртақлар воситасида ёшлар қалбига ватанпарварлик, мардлик ҳис-туйғуларни шакллантирилган. Кейинчалик фан ва техника ривожига тўғриватилган инсон ақл-заковатининг буюк кашфиётлари — турли кўришнидаги оммавий ахборот, телекоммуникация воситалари ва бугунги кунда ахборот асрининг энг янги, илгор намуналари ижтимоий тармоқлар кўринишида бу оламшумул вазифаларни амалга оширишда инсониятга кўмакка келди. Бир қараганда умум маънафаатига хизмат қилиш, келажак

авлодни маънан юксак, заковатли инсонлар қилиб тарбиялашдек ишлар осонлашгандай кўринади. Аммо улардан фойдаланишдан кўзланган мақсадларнинг нечоғли холис ёки нохолислигига қараб, ўта мураккаб вазият ҳам юзага келганлигини инкор этиб бўлмайди.

Тарихга муружаат қиладиган бўлсак, инсоният тараққиётида зиёли қатлам, унинг илгор вакиллари — ижодкорлар ҳаммиса таълим-тарбиянинг олдинги сафларида бўлган ва барча муваффақиятларга уларнинг фаол иштироки, фидойилиги тўғрисида эри-

шилган. Маънан юксак инсонларгина буюк яратилган ишларни юзага келтирган. Жамиятда тинчлик, фаровонлик, тараққиётнинг қалити ҳам тарғибот, ташвиқот ва амалда ибрат кўрсатиб яшашдадир.

Юртбошимизнинг Бўка тумани таърихисидега амалга оширилётган бешта муҳим ташаббуслар доирасининг кенгайиб бораётганида ана шундай эзгу мақсадлар муассамлашганини кўряпмиз.

Экспертларнинг фикрича, ушбу ташаббуслар ижроси, аввало, мактаблардан бошланиши керак. Ҳақиқатан ҳам, мактаблар маъ-

навий ва жисмоний жиҳатдан баркамол янги авлодни шакллантирадиган қўлай маскан. Маданият, маърифат, спорт ва компьютер технологияларини ўзлаштиришнинг бор имкониятлари мана шу илм-маърифат ўчоғида мавжуд. Авваллари ҳам шундай эди-ку, демокчидирсиз. Шундай, аммо авваллари бу масалага ёндашув бугунгидай янгича бўлмаган. Ҳам соғлом, ҳам маънавиятли авлодни камол топтиришга эришиш барча муаммоларнинг олдини олади. Инсонда маънан юксак тафаккур шакллантирилган бўлса, унинг тарғибот ва тарғибот қилинади. Оқини оқ, қорани қорага ажратиш инстинкти пайдо бўлади. Фикрчан инсон жиноятга қўл урмайди. Қалбига ватанпарварлик, бунёдкорлик, яратувчанликка йўғрилган эзгу мақсад пайдо бўлади.

Шу кунларда Тошкент вилоятининг Бўка туманида давлатимиз раҳбари томонидан ҳаётга татбиқ этилган беш ташаббуснинг мазмун-моҳиятига назар солсангиз, уларда ўзаро боғлиқ узвийликни кўрасиз. Бу ташаббусларнинг дастлабки ёшларнинг мусиқа, рассомлик, адабиёт, театр ва санъатнинг бошқа турларига қизиқиларини оширишга, истеъдодларини юзага чиқаришга қаратилган. Бу бежиз эмас, албатта. Адабиётга, санъатга ошно кўнгида губор бўлмайди. Ёшларнинг орзу-умидлари қанот ёздагидан фалсафада онги ва қалби ҳам маънавий озиқланиши, шубҳасиз, келгусидаги ҳаёт йўллари аниқ-тиник тасаввур қилиш кўнжималарини оширади. Биргина мисол. Мухтарам Президентимиз ташаббуси билан ташкил этилган Ёш ижодкорларнинг Зомин семинари фаолиятига назар ташлайлик. Бу ишга масъул бўлган Ўзбекистон Ёзувчилар уюшмаси томонидан бугунги кунгача юзлаб ижодкор ёшлар кашф этилди. Уларнинг биринчи китоблари нашрдан чиқарилди. Ёш мамлакатимизда ташкил этилган ижод мактаблари фаолиятини олайлик. Қисқа муддатда ёшларни сифатли ўқитиш ва истеъдодларини юзага чиқаришда эришилган муваффақиятлар салмоғи олтин тарозиларда тортишга арзийди.

Кун мавзуси

Аваз МАРАХИМОВ, Мирзо Улуғбек номидаги ЎЗМУ ректори, профессор, тарих фанлари доктори:

— Мухтарам Президентимиз ташаббуси билан ҳаётга тақдим этилган бешта ташаббус бугун ўзини жамият тараққиётига хизмат қилишга бurchлиман, деган инсонларнинг шуурини уйғотиб юборди. Масалан, шу пайтгача катта бир таълим дароҳининг раҳбари сифатида менинг университет фаолиятини ташкил этиш, ўқув дастурлари, профессор-ўқитувчилар, талабалар муаммолари каби тўғридан-тўғри ваколатимга кирадиган ишларим кўламини мавжуд эди. Очигини айтганда, бу ишлар шу даражада бир-бирига боғлиқ кетган эдики, бошимизни кўтаришга вақт тополмасдик. Ўз ваколат доирасида ишлаб, керакли, кераксиз ҳисоботлар билан машғул бўлиб қолаётгандек. Ён-атрофимизда эса мамлакатимиз тараққиёти, айтиш мумкинки, даврни ўзгартариш, оммаини дунёқарашини шакллантириш билан боғлиқ туб ислохотлар бошланиб кетганидан бироз бўлса-да, кечроқ хабар топдик. Катта салоҳият билан беш ташаббуснинг Бўка туманида амалга ошиётгани ва бугун у ерда янги даврнинг жўшқин ҳаёти бошлангани тафаккуримизни ўзгартди.



Бевосита ўз фаолиятимиздан келиб чиқадиган бўлсак, беш ташаббуснинг барчаси бизга ҳам тегишлидир. Бунини амалга оширишда университетнинг ички имкониятлари етарли. Масалан, "Хумо" талабалар театр студияси фаолиятини олайлик. Ҳозир бу ерга профессионал режиссёр Маъруф Отажоновни таклиф этганмиз. У кишининг кўмағида талабаларимиз Абдулла Қодирийнинг "Ўткан кунлар"

асарини саҳналаштирди. Ёшларимизнинг бошқа актёрлардан иқтидори кам эмаслигини кўриб қувондик. Улар қимлар? Биринчидан, бири тарихчи, бири кимё фани бўйича таълим олаётган йигит ва қизлар. Уларнинг қалби адабиётга ошнолигини айтмайсизми! Ёзувчилар билан бўлган учрашуларда айримлари ўз шеърларидан ҳам намуналар ўқиб беради.

Биз ҳайрон қоламиз. Талабаларимиз кечгаги қишлоқ мактабларидан келган ўқувчилар. Биз беш ташаббус берган илҳом билан ўз режаларимизни ишлаб чиққанмиз. Ҳозир бунга тайёргарлик кетяпти.

Хатто Олмазор туманидаги маҳалларда, мактаб мутасаддилари билан биргаликда шу ишларни амалга оширяпмиз ҳам. Келгусида бунини республика бўйича жорий қиламиз. Фанда юқори кўрсаткичларга эришган олимпиада ғолиблари, халқаро спорт мусобақаларида иштирок этиб, совринли ўринларни қўлга киритган ёш мутахассисларнинг амалиётини мактабларда ўтказишга киришганмиз. Олмазор туманида 35 та мактаб бор, улардан 3 таси ихтисослашган ўқув муассасаси. Илгор талабалар, бўлгуси педагогларимизни ёзги оромгоҳларга жалб этиш орқали беш ташаббус йўналишлари бўйича ёшлар онгига таъсир этиш, уларда адабиёт, санъат, тасвирий санъат, компьютер технологияларидан фойдаланиш кўнжималарини ҳосил этишга эришиш бош мақсадимиздир. Худди шундай амалий учрашулар машғулот кўринишида Бўка туманидаги мактабларда ҳам амалга оширилади. Бу ташаббус республика бўйича қанот ёзаётган экан, ҳеч ким бу хайрли ишдан ўзини четга тортмас керак. Мирзо Улуғбек номидаги Миллий университет жамоаси бугун бу ишларга катта иштиёқ билан киришиб кетган. Бу борда қилинаётган ишларни биргина лавҳа орқали ифода қилиб бериш қийин, албатта.

Ўзбекистон Қаҳрамони, фан арбоби, адабиётшунос олим Озод Шарафиддинов таваллудининг 90 йиллиги

Сирожиiddин САЙИД, Ўзбекистон халқ шоири

УСТОЗЛАРНИНГ УСТОЗИ

Адабиёт, бадий ижод ҳақида гапирганда, аввало, бу йўлда ёзувчиларга, шоирларга таълим берган, чинакам адабиёт нима эканини ўргатган устозлар эсга тушади. Шарқда Арастуни эҳтиром билан Устози аввал, дея эъзозлашган, Абу Наср Фаробийни Муаллимус соний, яъни Иккинчи муаллим дея эътироф этишган. Дунё аҳлига, одамларга илмни ўргатгани учун, ҳаётда яшашнинг маъни-моҳиятини очиб бергани, кўнгиллارга ҳикматли тафаккур ила нур таратгани учун.

масъулиятли устознинг фикри биз учун ниҳоятда муҳим ва қадрили эди. Истеъдодсиз ижод намуналарига мурасасиз, қобилиятли ижодкорларга меҳрибон ва айни пайтда талабчан устоз эди Озод ака.

Шу ўринда устоз Эркин Воҳидовнинг куйидаги шеърини эслаш кифоя.

Озод Шарафиддинов, деганда беихтиёр Чўлпон эсимизга тушади, Беҳбудий, Фитрат, Абдулла Қодирий, миллатимиз озодлиги учун курашган маърифатпарвар боболаримиз эсимизга тушади. Миллатимиз зиёлиларини қатагон қилган мустабид тузум даврида ҳукмрон мафкура томонидан тақиқланган Чўлпонни, унинг сафдошларини халқимиз ёдига солиб, эслашиб турган, керак бўлса, уларнинг эркесвар асарларини тарғиб этган домла Озод Шарафиддинов бўлади. Оғзидан ўт пурқаб турган мустабид тузум аждаҳосининг қомида "Тирик сатрлар" китобини нашр этган Озод домла бўладилар. Бу жуда катта жасорат эди.

Шоғирдларини, истеъдодли ижодкорларни ўша қаттол замонларнинг зугумлари ва худбин ҳасадгўйларнинг ҳужумларидан ҳимоя қилувчи катта истехком, мустаҳкам қўрғон эди Озод ака. Устоз жуда кўп ёзувчилар, шоирлар, адабиётшунос олимларни тарбиялаб вояга етказган.

Ўтган асрнинг 70-80-йилларида адабий-ижтимоий ҳаётимизда Озод Шарафиддинов ўз илмий, ижодий, ижтимоий фаолияти билан маърифатимизнинг пешқадам қарвонбоши бўлган. Халқий уйғоқликка давъат этиш дейсизми, илгор фикрларни тарғиб этиш дейсизми, адабиётимиз келажакни тарбиялаб вояга етказиш ёки истеъдодсиз, саводсиз назмбозликка қарши кураш дейсизми, Озод аканинг қизгин ва кўпқиррали фаолиятида буларнинг барчаси мужассам эди.

Таъбир жоиз бўлса, ўтган асрнинг 70-80-йилларида адабиётга кириб келган жуда кўп ижодкорлар Озод Шарафиддиновнинг тафаккур қанотлари остидадан чиққан, десаёқ, муболага бўлмайди. Ўзбекистон Қаҳрамонлари Эркин Воҳидов, Абдулла Ориповлар Озод акани ўз устози, деб билган. Бу бежиз эмас. Устоз Абдулла Орипов Озод домланинг исмига бағишлаб «Мувашшаҳ» ёзган эди.

Хур фикрли маърифатпарварлар, буюк шахслар ўз ақлу заковатининг машъаласи билан нозда қолган одамларга тўғри йўл кўрсатиб туради. Озод Шарафиддинов ана шундай улуг шахслардан бири эди.

Ох уриб ҳар ёнда изғийди шамол, Замон макон бермай уни қистайди. Орузи фақат шу: у ҳам тоғ мисол Дили ором олиб ётмоқ истайди. Аросатда инграр тоғлар ҳам аммо, Кўчи замонадан тополмай илоҳ. Армон қилар у ҳам шамолдай гўё Мовий кенгликларда ёзсин дер қулоч.

Ўша даврда бир янги асар ёзган ҳар бир ижодкор: "Бу асарга Озод ака нима деркин?" — дея домланинг оғзига қараб, фикрини кутар эди. Адабий ҳаётда бадийлик мезонини белгилаб берувчи ҳалол, холис, талабчан,

Мен ҳам Озод домланинг меҳрибон баҳраманд бўлган шоғирдлариданман. "Ўзбекистон адабиёти ва санъати" газетасининг 1982 йил 29 октябрь сонидеда Озод ака менинг туркум шеърларимга оқ йўл тилаб сўз ёзган эди. Ана шу сўзлар ҳеч қачон уюғимдан чиқмайди.

"Шеърятинг оригинал поэтик образларсиз яланғоч ҳайкалдан ортиқ нарса эмас. Шеърини шеър қилиш учун, унга жон ато этмоқ учун поэтик образлар, деталлар билан бир қаторда теран фикр керак..."

Уюшма фаолиятдан

Атоқли адиб, Ўзбекистон Қаҳрамони Озод Шарафиддинов таваллудининг 90 йиллиги муносабати билан Адиблар хибонасида унинг ҳайкали пойига гуллар қўйилди ҳамда устоз яшаган хонадонда ёлғорлик лавҳаси очилди.

Ўзбек Миллий академик драма театрида ўтказилган тадбирда адабиёт мухлислари, турли вазирлик ва идоралар, ижодий ва жамоат ташкилотлари вакиллари, профессор-ўқитувчилар, маънавий тарғиботчилари, талаба-ёшлар иштирок этиб, серкира ижодкор Озод Шарафиддиновнинг ёзувчи, публицист ва тарғиботчи сифатида амалга


меҳрибон мураббий сифатида халқимиз қалбидан мустаҳкам ўрин олганини таъкидлашди.

Устоз ҳаёти ва ижодий фаолиятига бағишланган тадбирлар мамлакатимиз бўйлаб давом этмоқда.

Ёзувчилар уюшмаси ва "Мурувват" ижодий гуруҳи ҳамкорлигида атоқли адиб Саъдулла Кароматов таваллудининг 90 йиллигига бағишлаб ўтказилган "Ватан тақдирини тенг ҳаёт" деб номланган хотира тадбирида таниқли шоир ва ёзувчилар, адабиётшунослар, талаба-ёшлар иштирок этиди. Тадбирда Саъдулла Кароматовнинг ёзувчи, публицист ва тарғиботчи сифатида амалга

Дўстлик байрами

Куни кеча Андижон вилоятининг Хўжаобод туманида "Адабий дўстлик - абадий дўстлик" шиори остида адабиёт байрами бўлиб ўтди. Тадбир Ўзбекистон ва Қирғизистон Ёзувчилар уюшмалари ҳамкорлигида ташкил этилди. Маълумки, Ўзбекистон Республикаси Бош вазири А.Арипов томонидан 2019 йил 19 январда тасдиқланган "Йўл харитаси" 84-бандида чегара олди туманларида ўзбек ва қирғиз адабиётининг таниқли вакиллари иштирокида адабий учрашувлар ташкил қилиш вазифаси белгиланган эди. Тадбирга ташриф буюрган қирғизистонлик шоир ва ёзувчилар "Дўстлик" чегара постида тантанали кутиб олинди. Асосий байрам Хўжаобод туманидаги 9-сонли Мусиқа ва санъат мактабидеда бўлиб ўтди. Мактаб ҳовлиси ва биноси фойеида ўқувчиларнинг ўз қўллари билан тайёрлаган турли кўргазмалар намойиш қилинди, ёш истеъдод эгалари куй ва қўшиқлар ижро этишди, шеърлар ўқиди.



Абдусаид
КҮЧИМОВ

Ҳар доим яхши сўз ахтариб яша

Ҳар доим яхши сўз ахтариб яша

Ҳар доим яхши сўз ахтариб яша,
Райҳонлар гулдасин ҳар бир сўзингдан.
Дўстларнинг йўлига майсадай тўша,
Чечаклар эркалаб қувсин изингдан.

Сўзларинг лодалай тўлдирсин даштин,
Қумрилар, булбуллар шўх куйлар чалсин.
Юлдузлар ёдунин, чақмоқ оташин,
Қуёш ҳароратин сўзингдан олсин.

Сўзларинг сабобек сочларин ўйнаб,
Суйсин, эркаласин шаддоқ қизларин.
Севгига тўлдирсин булоқдек қайнаб,
Ошиқ юракларин — шайдо кўзларин.

Тоғлардай елкадош, боғлардай сирдош,
Дарёдай қон бўлсин сўзингга сўзинг.
Аллоқчи сўзларга асло эгма бош,
Ултон бўл, султон бўл ўзингга ўзинг.

Баҳор ёмғирдай, қишнинг қоридай,
Оламин яйратсин қаймоқ сўзларинг.
Жаҳонин муаттар нурга тўлдирсин,
Тилларин сайратсин қайноқ сўзларинг.

Дўстларин қулдирсин, ёвни ўлдирсин,
Ўлдирсин галамус ибораларин.
Жаҳонин муаттар нурга тўлдирсин,
Қувончга тўлдирсин шалоларин —
Ҳар доим яхши сўз ахтариб яша.

Қузғи осмон

Фаройиб ранги бор, қузғи осмоннинг:
Фалакда ярадор туйғулар жанги.
Димоққа урилар чарчоқ карвоннинг,
Ожиз мезонларга осилган чанги.

Уфқлар қонгалаш, қуёш ботар чоғ,
Кўксингда нимадир сўна бошлайди.
Ичинга сап-сарик, хазонрез япроқ
Каби маҳзун ҳислар қўна бошлайди.

Тоғлар ёнбошида ҳўрсинар толғин,
Эски, қуя тушган пўстақдай булут.
Маҳзун хаёлларга ботганча ҳорғин,
Ненидир кутади серажин сукут.

Қанча ёз, баҳорин кўрди бу макон,
Кўрди қанча қақин — чақмоқни кўрди.
Гоҳ сомон йўлига тиккиди гирён,
Синган ой қошида гоҳ хомуш турди.

Сонсиз юлдузларнинг кўркам ошёни,
Миллиён сайёрага мухташам кўрғон.
Бугун тушунолмай тубсиз дунёни,
Самовот қошида турибди ҳайрон.

Менинг кўзларимга эриётган шам
Сингари кўринар қуз қаққанони.
Хаёлчан кўнглимга ҳамоҳанг — ҳамдам,
Бу осмон, бу кўрғон — менинг осмоним.

Ўйқилинган билдинг, ака

Абдували акамни хотирлаб...

Бугун йўқлигингиз билинди, ака:
Ташвишли кундамас, ғамли кундамас,
Кўзга қум тикилган чағли кундамас,
Ё ночор, ноилж, тангли кундамас,
Айни тўй қунида билинди, ака,
Кўксим тилим-тилим тилинди, ака.

Оллоҳга шукрки, кам жойимиз йўқ,
Иймонимиз бутун, нарғайимиз тўқ,
Ҳаммамиз бир муштмиз, ҳаммамиз бир ўқ,
Аммо йўқлигингиз билинди, ака,
Кўксим тилим-тилим тилинди, ака.

Сизсиз тўй-маърақа қилмасди овул,
Жами юмушларга Сиз бош — баковул,
Мен-чи, мен... Бир ношуд, укүвсиз ва гўл...
Уятдан юзларим шилинди, ака,
Бугун йўқлигингиз билинди, ака.

Мен... Чала шахарлик, сипо, олифга,
Сизга орқа қилиб, сиймай қолдирга,
Юрган эканман-ку, эрка толибдай,
Илкис тожу тахтим "қарс!" сийди, ака,
Бугун йўқлигингиз билинди, ака.

Меҳмонлар келмоқда саф-саф, ҳол сўраб,
Мен подон турибман усиз, довдираб,

Сизни қилдираман, қушдай жовдираб,
Бошим гир айланди, кўз тинди, ака,
Бугун йўқлигингиз билинди, ака.

Ахир, ўринингизда қолган эдим-ку,
Шу ишни бўйинимга олган эдим-ку,
Тўйда-чи, дунёга бўлдим-ку қулгу...
Дилимга залворли дард инди, ака,
Бугун йўқлигингиз билинди, ака.

Яхшики, тўй эди, андуҳдан йироқ,
Ғамбода қун эса... Нетардим, бироқ,
Бошимда юз хил ўй, юз битта сўроқ,
Қалбим бўлак-бўлак — бўлинди, ака,
Бугун йўқлигингиз билинди, ака.

Ота эдингиз-да, отамиздан сўнг,
Отамиздай кенг феъл, бағри тоғдай чўнг,
Ҳаммага меҳрибон, доим кўзи ўнг,
Наҳотки, ҳаммаси туш энди, ака,
Э-воҳ! Йўқлигингиз билинди, ака.

Руҳи-пойингизга қилганча таъзим,
Мана, ўлтирибман ёлғиз, маънос, жим,
Энди ўринингизни ким босади, ким?
Кўксим тилим-тилим тилинди, ака,
Бугун...

Бугун йўқлигингиз...
Емо-он билинди, ака...



Монғ

Ҳар тонг туриб, тонгта салом бер,
Ҳар тонг, тонгта айтгин қасида.
"Ассалом!", деб мардона ҳайқир,
Шодликларинг ўгли сасидан;

Чинни каби жарангласин ой,
Жарангласин сомон йўлларин.
Жарангласин самовий чирой —
Соҳир сахар камалакларин.

Титраб кетсин, тоғлар тожи-ю
Кавказистон юлдузига.
Шамолларнинг чилвир сочи-ю
Уммонларнинг илдизига.

Қаҳрабон тун кўмилсин куйга,
Куйга тўлсин илғий фалаклар.
Рақе тушеян илҳоний уйда,
Оқ булутлар — саркаш малаклар.

Кўм-қўк гўмбаз мавжласин, маъсум
Шабнамларнинг мунчоқ кўзиди.
Чучумалар қилсинлар таъзим,
Қизғалдоғу бўтақўзига.

Зухро юлдўз — мунаввар тугён,
Насимларга ёр-ёрлар айтсин.
Шалолалар куйласин дoston,
Қирлар шил алёрлар айтсин.

Бошга кўтар париваш сиймо,
Мунаввар тонг — субҳи санамини.
Шундай сирли дамларда, аммо
Ухлаб ётган одам, одамми?

Ҳей, уйқучи зотлар, туринг, де,
Уйғот, мудроқ кўзларин уйғот!
Туринг, туринг, чапшар уринг, деб,
Соқин сахар кучоғига от!

Бошга кўтар мунаввар тонгини,
Ҳар тонг шеър айт, айтгин қасида.
Маҳкам кучиб оппоқ оламини,
Ўниб кўйгин пешонасидан.

Қайсар

Дунёда одамлар шу қадар мўлки,
Санаб, саногига етишинг гумон.
Бири оқил, ўқтам, бириси тулки,
Ва лекин ҳаммаси ҳазрати инсон.
Турфадан турфадири фикру ўйи ҳам,
Бири гунг, бошқаси бетиним вайсар.
Аммо бир қавм бор, баридан тажани,
Ушбу терс қавмнинг мақоми — Қайсар.
Мумкинлир, мамонтини солмоқлик йўлга,
Динозаврини ҳам қўндирмоқ мумкин.
Маймун гориллани ўргатиб қўлга
Ғапиранг, ғапинга тушунар... Лекин,
Булар-чи, кўнмайди на сўз, на дўққа,
Симёғоч ютгандай гўдайган, қўнол.
Ўзидан бошқани чиқарар йўққа,
Ўзидан бошқанинг имлоси бекор.
Панду насиҳатга солмайди қулоқ,
Қандай махлуқот бу, бу қандай банди.

Ғазабдан танангин тилса ҳам титроқ,
Терсу тихирлигин қилмайди қанда.
Айбу хатосини тан олмас мутлақ,
Айтгани айтгану, дегани деган.
Ҳамма масалада фақат ўзи ҳақ,
Бу касдан улугдир, эсини еган.
Қошингда ҳайқалдай турганда бехос,
Ғалати ўй-ташвиш келар хаёлга.
Аёли...
Бечора...
Ҳар қун...
Ҳар нафас...
Ичинг ачиб кетар шўрлик аёлга.
...Гуноҳим шунчалар кўпми, эй, Тангрим!
Нечун дучор қилдинг бундай қайсарга?
Рўбарў қилсанг ҳам ўтирардим жим,
Қаллобга, қазобга, ҳатто, оvsсарга.
Художон, охириг илтижом булди:
Ноилж қулинга нажот қил, наф қил.
Қасдинг бўлса, майли, розиман, ўлди,
Фақат бу кимсангин кўзимдан даф қил.

Сўз қорлаган дами

Синфдошларга

Ҳаётда турфа хил зотни кўп кўрдим,
Яхшилар — шам бўлди, муттаҳамлар — ғам.
Гоҳида султонлар ёнида турдим,
Гоҳида ултонларга бўлдим ҳамқалам.
Гоҳида иқболим лодалай қулиб,
Минг-минг жамоага ҳамнафас бўлдим.
Базида бир ширин сўзга зор бўлиб,
Оёқлар остида хору хас бўлдим.
Шукр, шоён қулар бўлди беадал,
Сочимдан мўл бўлди "дўстман" деганлар.
Нонкўрлик ҳам қилди баъзи беадал
Имонин нафсига булғаб еганлар.
Асло қайгурмадим, бўлмадим ҳайрон,
Дунёнинг ёмғиру қуюнларига;

Йўлимга гоҳ тузоқ, гоҳ кўйган қопқон
Номард жүраларнинг ўйинларига.
Хуллас, бир қун чағли, бир қуним нурли
Ўтди неча баҳор, ўтди неча қуз.
Аммо, синфдошлар, сиз каби кўрли
Дўстлар тололмадим дилтортар, дилсўз.
Хусумат, хиёнат сизга бегона,
Манфаат, маломат рақибдир сизга.
Шул боис, кўёшдек бўлиб парвона,
Таъзим қилгим келар ҳар бирингизга.
Шул боис, ҳар сафар сиз қорлаган дам,
Бўрондай кўпириб кўчиб бораман;
Эсимдан чиқди барча ташвиш, ғам,
Бургутдай гупириб учиб бораман.
Дунёда "Содик дўст" ниқобига жо
Кўп экан беимон, беҳаё кўзлар.
Энг сўнги нафасим чиққунча то
Сизга сиғинаман, синфдош дўстлар.

Аёлларга ҳазил

Аёллар-ей, сизни гулддек нозик, деймиз,
Толемизга Оллоҳимдан ёзиқ, деймиз.
Ҳар қун гир-гир айланамиз гирдингизда,
Сизлар бизни боғлаб олган қозик, деймиз.

Нега бизни йўнлмаган таёқ, дейсиз,
Тўғри, саркаш, озроқ Мажнунсёқдирмиз.
Аслан эса ширин сўзга гадо — қул-у,
Аёлларга ҳаминша қўл-оёқдирмиз.

Хушрўй калом эшитганда шер бўламыз,
Баҳор гуллар сочиб кўйган қир бўламыз.
Фидо қилиб сизга жисму жонимизни,
Пойингизда чангу тупроқ, ер бўламыз.

Ахир, сиз бор, ҳаётимиз обод, гулсум,
Сизсиз дунё кўркудуқдай сим-сим тилсим.
Устимизга қулагандек бўлмай осмон,
Табассумни қизгансангиз биздан бир зум.

Эй, гўзаллар, сиз ҳам таянч — тиргакларини,
Сизлар учун жони қушдай сергакларини,
Гоҳо ердан чиққандайин қилмай абгор,
Суюб, мундоқ авайланг-да, эркакларини.

Эллиқдан сўнг...

ҳазил

Эллиқкача эркак — чақмоқ, дўл бўлади,
Ҳар нафаси дарё, денгиз, қўл бўлади.
Аёлларга ўтар шоли тахти равон,
Эллиқдан сўнг аёлга жүр бўлади.

Ҳида қорласак...

Ҳида қорласак, дарров ишга киришамиз,
Уни-буни тўғриланишга тиришамиз.
Ярим кунни ўтказамиз бир амаллаб,
Тушдан кейин хотин билан уришамиз.

Омадсизлар

Омадсиз касларнинг аён қилмиши:
Улар ярим тунда топишдилар.
Ўғри, қазобларга ўтмайин тиши,
Омадли зотларга ёпишдилар.

Бу ҳолга сабаб не, бу гурбат нечун,
Нечун фикру фасод — етмайди фаҳмим.
Топа олмасам-да бу сирга ечим,
Омадсиз тўлда келди раҳмим.

Тозалаб бўлмайдиги

Бекорга бўлмагин саргардон,
Бехуда сарфлама кучингни.
Тозалаб бўлмайдиги ҳеч қачон,
Ичи кир одамнинг ичини.

Савол

Медали дарахтга отадилар тош,
Зарра мавҳумот йўқ ушбу ҳикматда.
Медалар турганда, на соғ, на бебош,
Қисир дарахтларга боқмас, албатта.

Шохларин сийдириб, тўкиб баргларин,
Кесак отаверса, ўткинчи ҳар кас.
Шўрлик она дарахт, юрак дардларин,
Бировга айтолмай, ингранса бесас;
Саноқсиз саволлар босар хаёлини,
Нима деб атамоқ керак бу ҳолни?!

Рақиқалига

Мухаббат борлигин, меҳр борлигин,
Меҳру муҳаббатнинг барқарорлигин,
Меҳрибон дилларнинг бахтта ёрлигин,
Кўрдингми десалар, кўпириб қоним,
Сени кўрсатардим, азизим, жоним.

Қанча суварлар оқди, шамоллар эсди,
Гоҳ қора мушуклар йўлимини кесди,
Кўп кўрдим таъмағир, талончи дўстни,
Сичқонлар талади гоҳ ушоқ ноним —
Нетардим агар сен бўлмасанг, жоним.

Манзилим бир қуни боғ, бир қуни сахро,
Гоҳо омад қулди, қулмади гоҳо,
Яқиним деганлар қочдилар, аммо
Фақат сен ёнимда бўлдинг доимо,
Фақат сен кўзимга сажда қилдинг жим,
Фақат сен суядинг, азизим, жоним.

Оч қуним оч қолдинг, тўқ қуларим тўқ,
Зарра армонинг йўқ, зарра арзинг йўқ,
Содоқат! Содоқат, сенга минг қуллуқ,
Сен борсан осмоним юлдузга тўлиқ,
Сен борсан бегубор, ёруғ жаҳоним —
Дорбоним, сарбоним, азизим, жоним.

Мўъжиза рўй бериб дунёда агар,
Қирқ гўзал сеники, олгин десалар,
Шамолдек югуриб, елиб саросар,
Боқиб тўймагандек Зухрога Зухад,
Пойингга тўкардим дунёда борим
Суоғим, буюғим, азизим, жоним.

Мўъжиза

Дўстларим узукдай олдилар қуршаб,
Кўксим тоғ, қувончим осмонга етди!
Аммо бир танишинг юз-афти шу тоб,
Хазондай бўжмайиб, гезариб кетди.
Айбим шул эдикки, ҳаминша унга,
Энг афиф тилаклар тилаган эдим.
Устида тегирибман айланган қунда,
Боимкон, бошини силаган эдим.
Во ажаб!
Нафимиз тегмай қолган қун,
Билакни шимариб, жангта шайланди.
Илон кўзларига адоват ва кин,
Ҳадемай тап-тайёр ёвга айланди.
Ғийбат қузғунлари тўзғиди бебош,
Кўзимни ачитди тўхмат тутунни.
Валекин, кин — чинга беролмади дош,
Милдуми ношукр қолди ўқиниб.
...Ҳануз хатолардан олмайди сабоқ,
Ҳануз ич-этини ҳасад ёқади.
Дўстларим кетма-кет очмоқда қучоқ,
Унинг бабараси бўзлай оқарди...

Анон тилим

Яна чиқди ҳақиқат ёлиб,
Суд ўқиди аччиқ ҳукмини.
Икки соқчи олдиға солиб,
Ҳайлаб кетди қари маҳкумини.
Бир жумбоққа ахтариб ечим,
Битта сўзни қўллаб ноёжга;
Она тилин бузгани учун
Икки йилга "кетди" қария...
Келтирилди бошқа гуноҳдор,
"Қулф" урилган икки қўлига.
Мажлис чоғи ушбу мансабдор,
Ғапирмади она тилида...
Қотилликка тенгдир бу ҳолат,
Тазарруга зарра йўқ ўрин.
Бир кимсасиз оролга бу зот
Узоқ йилга қилини сургу...
Кам эса-да бу нохуш иллат,
Эзар ҳар бир япон дилини.
Лафзин жондек суйган бу миллат,
Жондек асрар она тилини.

Тоққий хилқат

Дарёлар қурийдиги, қурийдиги боғлар,
Денгизлар ўрнида, сахролар пайдо.
Булутта санчилиб тургувчи тоғлар,
Талқонга айланиб кетгайдир гоҳо.
Замонлар ўзгарар, ўзгарар дунё,
Янги сайёралар кўрсатур жамол.
Қуёшдан таралган муқаллас зиё,
Заминини иситмай қўяр, эҳтимол.

Балки ойга қўчар ердаги ҳаёт,
Бағридан жой берар ё ўзга юлдўз.
Балки инсонлар ҳам чиқариб қанот,
Осмон фарзандига айланар, у кез.
Қайда яшамасин, аммо одамзод,
Бир туйғу боқийдир — бир ҳис барҳаёт;
Қуёшдек мухташам, бу сирли хилқат —
Мухаббат,
Мухаббат,
Мухаббат.

